



SIARAN AKHBAR

KEMENTERIAN KESIHATAN

KENYATAAN MEDIA

SITUASI TERKINI JANGKITAN COVID-19

DI NEGARA BRUNEI DARUSSALAM

04 Zulkaedah 1443 / 04 Jun 2022

1. Semalam, Jumaat, 03 Zulkaedah 1443 bersamaan dengan 03 Jun 2022, sebanyak 16 dos pertama dan 71 dos kedua telah diberikan kepada kanak-kanak berumur 5 hingga 11 tahun yang masing-masing membawa jumlah keseluruhan pemberian vaksin dos pertama kepada 81.8% dan 53.4% bagi dos kedua. Dalam pada itu, liputan bagi rakyat dan penduduk negara ini yang telah mendapatkan tiga dos vaksin kekal sebanyak 70.9%.

2. Hari ini, Sabtu, 04 Zulkaedah 1443 bersamaan dengan 04 Jun 2022, sebanyak **379 kes baru** telah dilaporkan iaitu 377 kes hasil ujian ART dan 2 kes adalah hasil dari 196 ujian makmal RT-PCR yang telah dilakukan dalam masa 24 jam yang lalu. Oleh itu, jumlah keseluruhan kes yang dilaporkan di Negara Brunei Darussalam setakat ini ialah **150,058** kes. Statistik harian COVID-19 yang lain pula adalah seperti berikut:
 - i) **Tidak ada kes** yang dikategorikan dalam Kategori 5 yakni mereka yang memerlukan rawatan di Unit Rawatan Intensif (ICU).

Manakala 2 kes sedang berada di kategori 4 yakni mereka yang memerlukan bantuan oksigen dan di bawah pemantauan rapi.

- ii) Sebanyak **242 kes telah disahkan sembuh** yang membawa jumlah kes yang sembuh kepada **147,827 kes**.
 - iii) Jumlah kes aktif pula ialah sebanyak **2,008 kes** iaitu 8 kes sedang dirawat di hospital manakala 2,000 kes sedang menjalani pengasingan diri di rumah.
3. Seterusnya, berikutan keadaan pada masa ini di mana situasi jangkitan COVID-19 di Negara Brunei Darussalam adalah dalam keadaan yang terkawal serta dengan penurunan jumlah ujian RT-PCR SARS-CoV-2 dilakukan di Negara Brunei Darussalam disebabkan oleh peningkatan penggunaan *antigen rapid test (ART)* sebagai kaedah yang cepat dan mudah bagi mengesan kes, maka Kementerian Kesihatan ingin memaklumkan bahawa **Pusat Pengasingan Komuniti (CIC - Community Isolation Centre)** yang bertempat di Kem Latihan Program Perkhidmatan Belia Negara (PKBN), Temburong dan *Brunei Covid-19 Airlab, BRIDEX Jerudong (BCAL)* masing-masing akan ditutup secara rasmi bermula hari Isnin, **06 Jun 2022** dan pada hari Rabu, **15 Jun 2022**. Dalam pada itu, penganalisan sampel bagi ujian RT-PCR SARS-CoV-2 adalah diserapkan semula ke Makmal Rujukan Virologi Kebangsaan, Kampong Sumbiling.
4. Marilah kita bersama-sama berdoa semoga Allah Subhanahu Wa Ta'ala sentiasa melimpahkan rahmat dan hidayah Nya serta kita semua sentiasa

dikurniakan keampunan, kesihatan dan keberkatan dalam segala urusan.
Aamiin Aaminn Ya Rabbalalamin.

- **TAMAT** -

Rujukan : KK/PR/2

Tarikh : 04 Zulkaedah 1443H / 04 Jun 2022